



第一三九三册

四庫全書

●上海古籍出版社

本冊目次

石倉歷代詩選(七)

明曹學佺編……………一

欽定四庫全書

集部
石倉歷代詩選卷四百四十七

欽定四庫全書

石倉歷代詩選卷四百四十七

明 曹學佺 編

明詩次集八十一

李夢陽

雜詩

皎皎雲中月流光西北馳僕夫夙嚴駕吾欲遠遊之出

門履微霜四顧何茫茫豺狼當路達鳴鵲薄雲翔改轍

欽定四庫全書

石倉歷代詩選
卷四百四十七

理方舟欲逝川無梁俯仰歲將宴愴惻涕沾裳

發京師

萬籬附松柏枝葉固相因行子戀儔匹況遇同鄉親北

風起河梁日暮多飛塵携手同車歸駕言西適秦道遠

長渴飢客子懷苦辛仰瞻天漢流夜永不得晨驂馬媚

其曹鳴雁各求羣明星出東方照易車下人夙興即往

道登彼高路津還顧望京邑愴然何所陳

衛上別王子

詳校官右中允臣薩敏

侍讀臣孫球覆勘

總校官進士臣朱 鈐

校對官中書臣汪學金

謄錄監生臣張裕國

晨風應候至雞鳴各嚴車我今遊宋中子當旋舊閭僕
夫理前綏轅馬悲鳴趨一別阻秦周相望萬里餘首春
霜露重厚汝征衣襦昔為同袍士今在天一隅故者日
以遠疇能察區區

贈徐禎卿

獨處忽不懌攬衣循東廂樹木何脩脩春風起飄揚我
友駕在門告言適江湘倉皇挈玉壺追送臨河陽顧瞻
兩飛鳥並戲水中央翩翩屬羽翮鳴聲一何長云何遊
欽定四庫全書
石倉歷代詩選
卷四百四十七
二
客子一別永相望時澤亮有周天命固其當薄終義所
劣別離庸詎傷懿彼回路贈慷慨中此章

贈王舍人昇

迅風激高雲朝日照嘉林良友忽遠適惻愴摧我心川
原望靡極江路浩且深殊域寡親戚孤子故難任荼蓼
積愈苦淚下不可禁

劉氏二首

矯矯雲中鵠忽忽晨南翔連翩客遊子駕言逝何方霜

露日夜零東路悠且長意欲從子遊我馬玄以黃徒思
諒無益欲置難遽忘愛子千金軀雙親在高堂
回車太行谷結轡登羊腸羊腸何崔嵬俯視見大江大
江日東注遊子悲故鄉故鄉復迢遞欲濟河無梁晨起
振我纓駕言行朔方丈夫貴榮名臨路徒離傷

送焄木北上

羣鴉競時食孤鴻獨高翔丈夫四海心誰能安舊疆仗
劍辭所親策馬登前岡歲晏霜露繁原野何茫茫草枯
禽獸飢演潦浩以長感吟悲兼葭試鳴候朝陽勗哉樹
名勲念茲西顧光

送谷氏

零雨晨微微艾葉何旆旆端居輟中憂駕言送行邁黃
河流湯湯飛雲下燕代臨汀羅觴俎超景從傾蓋轅馬
望路鳴僕夫整衣帶孰非金車客子也獨所愛行行樹
聲猷及此明良會

別李氏二首

逸禽肥淹棲良駒競先步出門有行遊諸所豈得顧辭
燕戀舊壘渚雁企高驚情離誠有狎心期固其素匪無
便僕之新人不逮故踟躕野廐夕分手即前路

二

前路乃何之迢迢夢雲澤霖雨暮戢戢囑子且停輓
縶委川徑潢潦浩以白熒熒雙龍劍佩服我所惜水行
蛇虫匿陸邁虎兇辟願言奉心歡庶與備朝夕

贈甯氏二首

欽定四庫全書

石倉歷代詩選
卷四百四十七

四

野菽姜平吟寒露一何早凝霜一以零蘭蕙亦衆草美
人中夜興憂心愁如擣玉石誠靡別妍華恃疇保瑟瑟
谷中松見者豈不寶良無匠氏顧歎息歲將老

二

白日何冥冥送子黃河陽執手無一言仰見雙雁翔處
卑心固怡奮飛多中傷撫劍兩踟躕低頭淚沾裳天運
有銷盈志士懷剛腸去去愛景耀離別固其常

述憤一十七首弘治乙丑年四月作是時坐劾

壽寧侯逮詔獄

天門鬱鬱堯虎豹守其隅番番九苞禽頡頏舞雲衢銜
書奏至尊青龍與之俱光夕絕還響徒倚空愁予

二

帝居杳何許蒼蒼隔九闌白玉為阿閣黃金為重門可
望不可扣仰見飛雲奔何當發災旭下照孤葵根

三

鞞響久不作烈士常苦辛魏裾已寂莫漢檻空嶙峋邈

欽定四庫全書

石倉歷代詩選
卷四百四十七

五

焉向千載名懷斯臣皇心苟識察百死寧一身

四

懸車曜回景夕風起喬林撫茲散沈憂浩蕩開重陰迴
翔瞻闕門躊躇思玉音宵坐焰明燭懷古傷我心

五

大化固不虧人生固多艱汎觀疇昔人浩然發憂歎自
非餐霞侶伊誰駐朱顏律律南山岑拂衣會當還

六

孟夏草木長垂雲一何淒零雨宵始歇西山朝復隳兀然坐高春時聞鷓鴣啼逢辰寡宿惟履運傷前迷既無杯中物何以寫我懷

七

飄風自南來颿颿入我懷我欲隨之翔北向三重階守關遙望予閭闔何由排戚戚勿重陳危言多屬階

八

夕雲鬱崢嶸頽陽入西邱近景漏林端明我屋上樓靜

欽定四庫全書

石倉歷代詩選
卷四百四十七

六

久得玄理源澄復何求永懷鄒陽子聊以抒我憂

九

苔井蕭陰森嶽廟悶以清車前當路翻紅葵夾階生羈人散煩疴紆舒步中樞時禽變好音庭柯敷夕榮詎知沮洳場曠然獲悠情

十

青青廟中槐交交一雙禽為巢育其兒結構良苦辛一朝驚彈羅移棲向高林我行適見之歎息空彌襟

十一

秋宇夕陰陰寒燈焰不長氣棲遽微明飄忽如清霜人云網恢恢我胡寓茲房墉鼠語牀下蝙蝠穿空梁驚風振南牖徂夜條已央於邑不成寐展轉情內傷

十二

小草生枯桑芊芊競芳辰雖云殊本根寄託各有因自我罹幽囚忽焉經決旬我兄千里餘渺渺長河津妻子日望余蒼蒼隔四隣所幸二三友笑言越昏晨宵燈促燕膝昵語忘苦辛患難苟相得毋論骨肉親

欽定四庫全書

石倉歷代詩選
卷四百四十七

七

十三

檐月何徘徊晨風復依依載言別同居倉皇倒裳衣屬者各惆悵去者從此辭挽手刺刺語寄言家中知丁寧故與親願勿長相思明明昊天威我久寧在茲

十四

皇矣彼上帝赫赫敷明威四序舒以慘中有玄妙機燭龍躍天門一朝景光回昔為霜下草今為日中葵稽首

沐罔極欲報難為詞

十五

明月出東方徒行反家室人走相訊問我何由出明
知非夢寐欲辨仍自失喜極雙涕零轉面各銜恤垂燈
照綳卷浮埃滿朱瑟愁言卒未傾忽復見晨日

十六

鳴鑣踰廣陌執簡謁彤闈道逢相識問條如速行歸虎
拜閭門下龍顏霽晨輝二后邈以遐吾皇嗣其徽從諫

欽定四庫全書

石倉歷代詩選
卷四百四十七

八

如轉丸旁求炳先幾令聞洽四國膏與南山齊

十七

臣本草野士弱冠承恩私黽勉譬緩間低回報容姿直
湍寡回波勁本無弱枝天運不易測物情諒如斯脩塗
方浩浩駕言赴前期

赴江西之命初發大梁作

戚戚辭故里盛陽遠行遊入門揖兄嫂征馬已駕輶日
午登前岡浮雲逝南流零汗透衣巾僕夫行悠悠軀微

懼命重慷慨但懷愁還望故所居征鳥鳴相求而我獨
何為道路常懷憂

渡漢二首

好遊良有殫今朝竟言歸洵洵舟下濤亂之將嘯依異
途名為趨同木相隨飛遙觀千仞禽誰復瞻其輝

二

萬事雖貴豫數極誰竟歎竭來彈我劍且復三河遊迤
東望濠梁慨言懷莊周黃鳥孰興篇粉榆遇見尤

欽定四庫全書

石倉歷代詩選
卷四百四十七

九

李廣

李廣昔未遇射獵誰見稱居王猶未識他人寧不輕日
從田間飲夜止灞上亭醉尉前呼呵小吏亦見凌一朝
剖郡符飛蓋赴北平凭軾覽百邑樹羽寧干城亭障不
設燧握馬躍頓纓彎弓射虎歸淡淡黃雲生自從結髮
戰舍鎬無虛鳴威懼五單于胡人寤寐驚孰知身運乖
數奇竟無成壯顏逐年衰白髮忽見嬰奇言雄圖者俟
命莫吞聲

怨歌行

怨違情有悲歡聚理無欺歡怨非中則感離難重持纔
見春華交倏已晨露滋秋風吹羅袂團扇不復施團扇
與羅袂用舍各有時炎寒啟迭運超曠多遠期勿徒歎
捐棄思愛倘中移

歲晏行

歲晏幽陰積寒霖夕館空浮雲起城闕浩渺安可窮悠
揚橫太虛回薄蔽鴻蒙我有一叢蘭種之良亦難飄風
欽定四庫全書
石倉歷代詩選
卷四百四十七
十
忽來吹零露苦相殘勸君留此草蕭艾不可實

卧疾

寒飈振疎牖十日歲華改王孫怨脩路芳草若相待寸
心百慮嬰移疾屢朝晦范甑蛛網生翟門雀羅在歎息
中林蕙望望何能采

二

眠疴感歲晏中意長刺刺展策不能讀對酒寡懽懽晨
風激幽林堅冰滿川澤短景不可駐倏忽變昕夕飛雲

迅南征歸鳥屬其翼地北常苦寒寤寐想溫域

至後上方寺酒集

久陰晦昏氛我行值嘉明白日展冬曜雪霽松林清景
異賞貴延朋集杯難停入筵午未端歸騎夕已冥衝風
振巖廊鈴索抗高鳴塔虛響先奔珠圓光易傾超物慮
可澹遺榮累果輕久枉證詮理一悟得所徵

上已海印寺

勞生苦役役况乃值溫陽林園有嘉榮蹊渚生柔芳東
簡迹已陳板楔難獨忘駕言適蓮宇迂紆陟虹梁裁宮
延暮色陂樹藹青蒼詎知幽勝區占茲佳麗鄉居然心
境寂彌增塵路傷

春遊篇二首

東氣散廣陌北杓指青陬美人惜春陽鳴鑼事遨遊遨
遊覽萬物紆遲駐道周京邑鵲九衢合沓喧輪蹄黃鳥
集于林碧草生御溝御溝多垂楊芳樹夾朱樓早崇冒
休澤鬱哉帝王州

二

朝遊東市陌暮出北城衢夕林何欽岑華月耀西隅宵
征沂皇垣迴策遵玄湖春水日以薄鳬雁聚喧呼遠迤
浦澁貫金利據中區前有三石梁宛若垂虹紆却顧雲
中觀翳翳蔽松榆

秋日重過上方寺

居閒懷行遊觸景慨時速昨來春華敷秋草條已綠弱
蘋布霜連叢蘭萎寒陸累果媚西陽漂擗滿空曲物遇

欽定四庫全書

石倉歷代詩選
卷四百四十七

十二

信繇曠情移乃躑躅夷猶步前庭遙邁陟曾麓夕風一
何厲行雲結相逐鐸音抗高聽增影駭流騰聿非封侯
骨虛疑燕頤肉飛纓靡不榮芒屨諒應足寄謝世上人
吾久脫羈束

月夜飲別徐氏

仲月玄鳥集蚯蚓蟠于廬榻從徐氏飲置酒臨中除明
月一何光衆星爛高虛中有參與商相望惜不舒人生
雖有惟詎得常相於夷猶廣庭內惻惻慘予祛哲人重

明德邁士懷離居離居諒復合行矣慎所須

行省樹下

中林海雨積無逕暑日薄衆鳥集于樾鵲風眇焉託披
雲矚岑觀縹緲三阿閣踽踽懷昔賢擾擾疾棼錯夷猶
攀榮柯慷慨念幽壑

贈張舍

已嚴蓬池駕遽返夷門歇商風動榮草簷雨鳴不絕客
病良易積況值變華節悠悠城西館倏爾雙經月昔至

欽定四庫全書

石倉歷代詩選
卷四百四十七

十三

體流汗莎雞傍戶聒子也苟寧志川廣豈難越

酬秦子百泉招

暑阻慮難周絃促調不緩風雩徒情歎濯熱為誰纂昨
在泉上期結念在晨晚折花信延佇欲往心莫展

二

心展會有時跡乖難重期自我別林岑條焉周二期物
靈賞不延神往情詎移想在北池遊回橈驚南漪

三

南漪亂渚烟北池弄清蓮芙蓉發錦苞白石響礫泉慮
澄美莫致景入情更牽攀英遲來述倚壑帳周旋

四

周旋歡莫同回策入雲峯陽崖巨積雪六月如嚴冬若
人竟何乘孤遊遡難從倘遇仙潭鯉露我躡雲蹤

五

躡蹤誠靡尋佇瞻勞我心高高望雲霓橫絕天中岑遊
泉歎昔女隔阻匪惟今投桃遣來使倘惠瓊華音

欽定四庫全書

石倉歷代詩選
卷四百四十七

十四

將赴南邑借卹長公巾車

北遊情未飲初吉復南驚積疴畏登涉怛然憚脩路控
銜力不任執綬性有慕願蹈高賢轍懼在邯鄲步諒茲
無憾心庶慰車中顧

寄題隴州閻氏林亭

出處信不易卜築豈在遠聞君壯年日頗此遂仰偃創
基倚北阜開窗面層巘雜樹蒼蒨蔚長流激清淺跡異
願不隔路阻日遂晚愉悅各殊趣幽意不逮顯春風翻

深谷裊裊葛葉展代耕與灌園垂老付所遣

贈鄭淳

路縣家室怨久別誰奈苦荏苒及春孟冰消舟莫阻臨
觴歎河邁指景趣前侶汀曲帆易隱勞心望徒佇

內弟玉園莊歸

逾年始及村日入復言歸言歸亦何為景異情難持沙
禽噉噉鳴園林叔暮霏暮霏轉急湍春草碧漫漫我行
已逾堤我心念猶攢志往物不隔室達詎無端誠合靜
者應郊野豈徒安

欽定四庫全書

石倉歷代詩選
卷四百四十七

十五

熊御史卓墓感述

幽幽山下江莪莪山上松累累松下墓瑟瑟松上風慨
昔與君遊並遊京華中莪冠省臺內鳴鑾趨步同中更
歎莫偕永逝當何逢絕絃已易慘挂劒今誰從駕舟亂
回洋展墓臨高崇浮雲駸南流顧望摧我東德音既長
已情感胡由通抵餘泣麟意悲歌傷命窮

徐子墓

晨興駕我車行行造古墓墓門一何寥踟躕久延顧白
阡脩且直青松夾中路惜言葬者誰漢時徐孺子麟出
諒不偶龍潛竟何以我我東都會藹藹青雲士一鳴爭
及時邁迹歆先軌冠蓋紛若雲車馬聞京里鳴玉氣自
振排闥情難已鴻鍾有競勲大策無停紀斯人獨岑寂
哀歎勞心理

孺子墓夏謁

懷賢意實勤展謁良已屢半茸蔓草盛間關夏禽哺野

欽定四庫全書

石倉歷代詩選
卷四百四十七

十六

蘇廷竹戶丹華綴高樹徘徊想故榻流連果誰遇

余懷百門山水尚矣頗有移家之志交春氣熙

忻焉獨往迷情遣抱四詠遂成示同好數子

魯連蹈東海介子逃西山方舟信超越巖逕安可攀揚
烈猶靡戀置金徒嗟歎伊余秉拙訥薄遊及茲年急湍
有奔桴迫路無停棘慘慘滄流月悽悽沙塞烟徒欽靜
者意未遂同袍言偶耕慕龐公岩棲景焦先捫衷諒有
持顧已竟誰諉復來感方寂解作憂更牽抑心二十載

始別金門還積疴謝人徒頗與疎邂逅便眷茲卽園榮豈
羨長苗篇

二

浮海傷固窮逾河歎誠邁濯纓萬里流高視九州外功
成奔運狙氣至流飈代淒淒秋柯零冉冉春條媚周覽
倦河壖孤驚冀岩瀨道以沈寂超賞與崇深會豈惟超
達情亦因謝塵籟聿想山中人風吹女蘿帶折麻凌險

岵采秀越森蒼眷彌志終申獨往竟誰礙亭亭太行峰

欽定四庫全書

石倉歷代詩選
卷四百四十七

十七

萋萋百門對抗手別故懽乘雲弄烟渚

覽遊百泉乃遂登麓眺望

束髮懷幽竒覽藉冀有遇來登百門泉果協佳勝趣
茫圓波涌藹藹浮陽聚止坎潯泓洌激石迅湍注昔聞
滄浪濯今解川上喻豈惟傷衛歌兼以發蒙慮況值春
序中羣物已改故菰蒲冒清深鱗介各以慕行羨浴渚
鳧靜對栖雲鷺岩扉空潭影林藹變朝暮極目北上軌
朝宗感遊寓

二

發鞍憩林木杖策陟陁岷巖連嶺參錯洲由岸迴轉白日麗蘭薄原綠靜如洗嘯臺既清峻行窩更幽緬慨念昔時人瞻望淚已泫薜荔夕搖曳蘿逕復誰踐碑板半磨滅石門積苔鮮代異道豈隔事邁迹空顯獨采石門秀眷此何由展逝鵠無卑音潛虬厭污淺曠哉古今意難與世人辯

德安趨潯陽

欽定四庫全書

石倉歷代詩選
卷四百四十七

十八

始征晨風息雲流日色展登陸艱且澀厲澗一何緬維時仲秋交颯颯林颺卷綠竹垂我車丹花映行憶冒巒惟有松繡石盡成薜攀攀雖多悅巨頓乃勞倦日中迫廬岳蹊徑愈回蹇雲湧連遙嶠雨暗失近巘奔崩萬壑會嶮絕一逕轉遽詎川梁沒幸遇石瀨淺道以習坎利用待既濟顯介石諒益固巨川豈遂眩誰哉能豫謀隨寓期可遣

宿圓通寺

曉發蒲亭邑暮投石耳峯僕夫困雷需山雨猶響松茲壑况采阻顧望惟溟濛幽巖記層房豁然臨候江竹脩芭北基巖峭垂南窗俯觀衆戶蘿仰聆走簷淙挹此暫足遣迅想情難降陶公有遺墳黃子留孤踪通止良固殊羈縛誰為憐坐聞吟猿嘖祗令歸思忡

卧龍潭

出遊青天碕遂至卧龍潭重岑上無極白日蔽寒嵐峻

峭詎能步嶮絕誰可探歷石誠巍倨捫壑驚舒筓我行

欽定四庫全書

石倉歷代詩選
卷四百四十七

十九

值秋季霜藟搖匡南午攀日忽夕足倦情愈酣雷瀑響岩澗孤花媚澄涵撫景悟命意循跡想名庵庵廢人踪絕岩剝文半滅世異坦道塞慨茲忍能說

白鹿洞偏覽名跡

情高忽凌厲步健輕巉緬葛弱亦須捫崖滑每獨踐涉清愛重屢探阻遺驚眩始茲陟五峯遂憩松下巘巖桂紛始華石耳翠可卷追想白鹿跡伊人竟何遺觸端緒自縈薜荔况在眼慨歎意莫置顧望日已晚夕湖浴峯

峭流光滅蘭坂命酒寫幽獨鳴琴且游行

始至白鹿洞

曠哉超世志緬邈平生思鬱壘眷名跡久注匡山陲南
涉枉嘉命果諧夙所期仲秋岩壑清宮館復在茲白石
漱寒湍岩蘿裊空基黠傷逝者往密慚來者追性同道
豈隔途異理空悲興言懷昔賢日竟眺前歧榛荒徒鬱
紆林岵一何采感情匪哀歎聊詠昭言垂

廬山秋夕

欽定四庫全書

石倉歷代詩選
卷四百四十七

三

山壑寒氣早日夕風色緊火流桂將歇霜至蕙草墮蟪
蟀集澗館禾黍被疆畛感物憂自攢排遣情詎忍年俎
身與衰時棄世所哂躊躇夜不寐起坐萬念軫崖傾月
西流嶂曙松猶隱噉噉露猿啼行行采方菌

落星石

千江勢欲倒蠡門支孤嶼輝輝雲崖映洶洶湍瀨注霜
水落丈餘石角露齟齬探奇犯嶮涉停旌挈賢侶攀棠
入松寺倚竹望風渚崩奔亂帆下蔽曳波鳥舉秋空滭

明澄浮山互吞吐靈根合道蘊曠蕩豁褊阻貞非亞砥
柱險可並灝瀨不聞永嘉勝祇因謝公許

泛左蠡

辭山意不悅水泛暫可樂微風逗帆席日鏡展光耀揚
歌蕩溟昧鼓地極竊窺指顧異晨暮俯仰改觀眺出沒
湖中山明滅海上嶠素輕左蠡險今覲石壁峭謝屐久
已薰陶磯寂誰釣解吟松門詠令人發悲嘯

赴懷玉山作

欽定四庫全書

石倉歷代詩選
卷四百四十七

三

始臨清溪寺不謂茲路艱崎嶇踰南嶺轉見山鬱盤重
陰起北谷凍雨響前巒志定邁孰禦勇往竟孤攀挽葛
接懸杭架木凌飛湍律律巖壑變颯颯嵐風寒隔港望
絕岫亭亭已雲端

薛家樓宴

閒遊北城隅俯視清江郭洪川帶名都形勢自相錯樓
觀鵠鬱鬱街巷紛以漠北城良已高况陟城上閣輕棠
拂倒景飛檻聆天樂夕山一何蒼夏潦彌井絡衝風激

回流玄雲駭難泊暗觀逝者危遂悟居者樂慷慨亮易
感捫心果誰惡夷險非我為彈劔且盡酌

曲江亭閣豐城縣

攬舟金華潭遂陟岡上閣蹊徑阻紆鬱岩水光參錯夏
林一河清餘雨浙未落高覽景自異况值晚霽廓夕日
明錦湍歸雲擁華薄近日山聿蒼遠嶺復岑崿曠蕩感
遇寓俛仰歎今昨不見往者悲祗覩來者樂顧瞻大江
流愈恨代謝速源湧竟誰禦謙守諒能曲所貴遺榮名
欽定四庫全書

石倉歷代詩選
卷四百四十七

五

觀義願有勗

武陽抵進賢

大字流玄化生情互陰朗積霖夜猶注寒陽朝遽上肅
肅晦色欽晶晶川水廣楓林一何赤沙嶼鴻競往涉河
歷紆鬱登嶺暫停軼撫江信縈帶鍾陵氣宏敞荆俗雜
澆厚徵賦則邦壤佩刀豈民性剪戮歎幽枉

廣獄成還南昌候了

一淹經六旬揚舠復馬極脫然難靡由事事嘉可即依

依春功奏朗朗維夏逼故茲波與嶺觸目異前昔逸雲
散歸雨川水浩崩溢挂帆超風溜覽岬湊悲憐昨猶宜
中允今為頽林翼邀言念先古展矣我心獲

二

直木防見伐茲言豈我欺若華耀四海孤邀疇見知莊
鷗運池溟舉翼九天垂風積苟不厚中路將安期歎息
竟何語俛視川波馳溢霖驚洪濤千載固厥時燕石一
何珍有驥不自持野颺激靈襟逝言悅長岐

欽定四庫全書

石倉歷代詩選
卷四百四十七

五

三

時至鮮枯林朱蘭被長坂臨嶠覲賢跡停楫暫游衍靈
雨吐葛花柏葉已復展佳哉溪上邑流峙亘而緬岑岑
徐巖秀飛泉洒丹嶸岩亭交景風裾帶時自卷居高乃
慮孤涉歷悟攸遣枚枚三陸宮千秋竟茲顯

四

昔遊東山日覽古肇新宮徐令實經營絃誦溢其中閑
茲奄三年離滯心莫同我舟非不維奈此西逝風乃子

胡德余于邁達從公朝旦發龍津暮栖保瑞洪湖山沒
如拳波途浩難窮佇瞻有深懷貽謠勒堅崇

功德寺

宣宗昔行幸遊戲玉泉傍立宇表叢蓁開池芰荷香波
樓遮殿杳風松奏笙簧百靈具來朝落日錦帆張萬乘
雷震動千巖滅流光綺繡錯展轉翠旗杳低昂法眷撞
鐘鼓宮女拭御妝笙鏞沸兩序星斗宿巖廊至尊奉太
后國事付三楊六軍各宴眠百官守舊章巡非瑤水遠

欽定四庫全書

石倉歷代詩選
卷四百四十七

二十四

跡豈玉臺荒嗚呼百年來回首一慨傷鳳騰赤霄暮龍
歸境茫茫山風撼網戶紫殿生夜霜退朝值休沐我行
暫翱翔娟娟登岫林慘慘度石梁廢道哀湍寫松柏間
成行啓鑰肅覽歷過位增悲涼積久洒掃缺乳鶴鳴膳
堂舊時瑠璃井倒樹如人長神已佐上帝教猶託空王
鈴磬颯颯憂晨昏禮相將盤遊非聖理操縱在先皇願
今朝廷上不改舊紀綱

呂公洞

厓相豁一門怪石相撐拄谿硤自吞呷白晝亦風雨陰
處汎清泉續苔蔭鍾乳往聞茅山勝夙慕華陽主路遐
限派往倏歷十寒暑經亘驕心目小憩偕道侶茲洞雖
人境固足託茅宇暢然忽內咎我何戀簪組

香山寺

萬山突而止兩崖南北抱鑿翠置殿榭級石上穹昊高
卑各稱妙曲盡結構巧有泉如線縷盤轉出松杪嗜奇
忘登頓緣危肆探討險絕逼牛斗蕭颯若風島夜宿來

欽定四庫全書

石倉歷代詩選
卷四百四十七

二十五

青軒天色碧可掃湖沙靜莽莽海月白皓皓想當邦邑
初此地只蒿草綺麗仵誰鑿巖壑門相裊但看全盛時
民力為茲蒿

平坡寺

西山萬佛宇蘭若舒錦繡平坡憑風迥突出衆山右宮
閭因巖坳面勢巧相就百里見瑠璃巖嶽戴雲構朋遊
探絕迹杪秋歷羣岫得此目力展恍疑出氛囿仰看北
斗逼俯恐東海溜雄壓香山麗閣掩望湖秀落木響巖

牖寒嵐染衣袖延緬古今並佇立悲慨湊盛葉慮反始
危基有傾仆千載誰復臨逆想蓬蒿茂

天馬

天馬從西來汗血何歷歷天子顧之笑置在黃金櫪鳴
呼神駿骨草豆日蕭瑟瘦骼突碑兀銜轡挂在壁白日
涕至地青雲志拋擲朝望碣石津夕盼流沙磧猶能肆
橫行倘居賜鞭策

古意

欽定四庫全書

石倉歷代詩選
卷四百四十七

十六

有鳥何方來哀鳴向西北我欲縛此鳥天路險且棘悠
悠浮雲行照我暮顏色丈夫重幾微男兒死邦國長鯨
一奔逃萬網不可得平生反掌志對此空歎息亭亭特
生杜道傍皖其實孤桐對良材棄擲處遐域而余竟焉
住嗚呼淚沾臆

建興二首

金陵固麗地幽薊亦名城皇天作南邦北斗開瑤京萬
國梯航入宮殿造泰清大哉帝王居海岳自環紫禹功

二

輦駢胝湯也勤四征煌煌肯搆訓聖人垂其情
四海為我土九夷盡來王貢琛至北戶北至玄谷陽我
祖秉天鉞血戰開其疆當時受命佐一一皆忠良噴薄
倚日月萬古瞻騰翔乘運雖有時盛業當自強

歲暮

軒坐意悄悄感此歲年暮一氣有肅殺昊天縱霜露衰
容搖萬物日月立復度赤驥初長成自謂中君御揚鞭

欽定四庫全書

石倉歷代詩選
卷四百四十七

三

過都市萬馬不敢步天寒草蕭瑟側塞在中路良辰不
再至我髮忽已素不見古賢達盡被名所誤沈吟惜蟋
蟀延佇羨鷗鷺終然托遠適餘者豈足顧

十六夜

四海蒸為雲三夜皆天風他方縱有月不照長安中長
安十二樓戶牖鑿玲瓏貴家金張徒高宴開幃懽華燭
代明月何必光遂通夕露久已晞惟娛良未終迫塞諒
有殊盛衰寧見同悠揚雲中魄既滿還自窮鬼神惡盈